



## De STHB

(Stadtheimatbund Münster e. V.)

is för alls dao, wat met mönsterske Heimatkultur to doon hät. He bütt siene 35 Vereine Hölpe bi Heimatplüage, Heimatföörskung un Präsentation van iähr Doon.

He möch daoto bidriägen, dat Mönster sienen Patt wiedergeiht äs Stadt van Wiëttenschop un Liäwensard.

He arbeitet daoför, dat Mönster in en Europa, wat ümmer mähr bineenwäss, Mönster bliff: de schöne Stadt in de Midde van de hele Region, de Stadt, in de to liäwen sick lauhnt un Freide mäk.

He will methelpen, dat all dat Guede, wat düör 1200 Jaohre in Mönster wassen is un et druogen hät, siene Kraft behäöllt.

He geiht daovan uut, dat jedereen in de Büörgerschop van Mönster sick för dat Hele tostännig föhlen un engageren kann un sall; dat bedräpp besunners de Arbeit in de Vereine un in en Ährenamt. So kann dat, wat de STHB dööt un will, up breiden Grund in de Stadtgesellschaft staohn.

Uut dat graute Spektrum van STHB-Aktivitäten sallt hier drei nommt wärden:

- Mönster äs Stadt van den Westfäölsken Friäden van 1648 un äs Friädensstadt vandage wiederbrennen,
- de nederdüütske Kultur in Spraoke, Literatur, Leed, Thriaoter usw. bewahren un plüagen,
- Mönsters Büörgerschop upmüntern, sick för de Stadt to engageren.

# AFRIET-RIEMSELS

Spörkel 2018

Februar 2018

## VANDAGE

*Vandage  
büs du utliewwert  
an den Acht-Stunnen-Dag,  
de di so lang wed.*

*Vandage  
büs du utliewwert  
an friee Tiet,  
de to viell Stunnen hät.*

*Vandage  
büs du utliewwert  
an Massenmedien,  
de to viell Stimmen häbt.*

*Vandage  
büs du utliewwert  
an di sölwst.*

**Wat fängs du met di an?**

Franziska Jürgens Fels: Fußspuren, Verlag Lechte, Emsdetten

Wörterklärungen:  
utliewwert – ausgeliefert  
wed – wird

**Spruch des Monats:  
Kien Mensk is so riek, dat he nich en Naober  
brük.**

**STH B Stadtheimatbund Münster e.V.**

Neutor 2, 48143 Münster  
Tel: 02 51 98 11 39 78

www.stadtheimatbund-muenster.de  
info@stadtheimatbund-muenster.de